



## **Medialab Curaçao' ta bai kuminsá atrobe**

**Willemstad – ‘Medialab Curaçao’, un inisiativa di ‘Stichting Cultuur Cameleon’ i di Biblioteca Nashonal Kòrsou Frank Martinus Arion (BNK), ta bai kuminsá atrobe ku tayernan di ‘mediawijsheid’, pa hende di tur edat ku tin gana di mehorá nan abilidadnan riba tereno di medionan di komunikashon nobo.**

‘Mediawijsheid’ ta para pa: traha optimal ku medionan di komunikashon aktual. Por distinguí kalidat di informashon, hasi uzo na un manera ‘safe’ sin pèrdè kabes. ‘Mediawijsheid’ i edukashon rondó di medionan di komunikashon a bin ta hunga un ròl hopi importante den nos sosiedat. Internet ta un nesesidat básiko i ta hunga un ròl importante pa atkerí informashon i konosementu. Teknologia i medionan di komunikashon nobo ta desaroyando ku velosidat di lus i komunitat ta eksigí di e siudadano pa e ta partisipe den e desaroyo aki, ku òf sin Internet. Partisipashon na e dinámika di desaroyo i eksigensia aki ta enorme. Hasiendo uzo di ‘mediacoaches’ i diferente kursonan di Internet, ‘Medialab’ ta yuda hende di tur edat.

For di 13 di yanüari 2014, ‘Medialab’ lo duna tayernan, ku durashon di tres ora, durante i despues di ora di skol. E tayernan lo ta grátis pa dosentenan i pa tur hende bou di 18 aña di edat. Pa hende mas grandi ku 18 aña di edat, e preis lo ta solamente Fl. 10. Parti mainta, durante di orario di skol, gruponan di skol por sigui un tayer di e mihó dosentenan riba e tereno aki. Despues di orario di skol e tayernan ta asesibel pa tur hende. Djaluna mèrdia tin tayernan dirigí spesial pa dosentenan aktivo den enseñansa. E temanan ku lo keda tratá riba e djalunanan aki lo keda presentá for di e perspektiva di e dosente, dor di personanan ku afinidat i eksperiencha ku enseñansa.

‘Medialab’ ta keda na BNK, na Waaigat i tayernan tambe lo wòrdu duná pa Stimul-it, na Schottegatweg Oost. Ora ta papia di informashon, Biblioteca su ròl ta esensial den un komunitat i alabes ta kontribuí na desaroyo di kada siudadano pa nan por hasi uzo optimal di medionan di komunikashon. Pa mas informashon di e tayernan, ku lo keda ofresé i pa inskripshon, por subi riba e ‘website’ [www.medialabcuracao.com](http://www.medialabcuracao.com). Inskripshon ta posibel tambe na BNK via di telefon 4345222 (Nohemi) 4345253 (Ludi) i òf e-mail adrès [info@medialabcuracao.com](mailto:info@medialabcuracao.com)

